

# *Madrid desde el año 1235 hasta el de 1275. Ilustraciones y textos de la Vida de San Isidro por Juan Diácono<sup>1</sup>*

Fidel Fita Colomé

## 68

Madrid, Setiembre 1249. -Archivo de Santo Domingo el Real. Escrituras originales del siglo XIII.

In dei nomine et eius gratia. Ego don Roy sanchez fi de ferrand sanchez vendo toda quanta hereditat de pan levar é casas que he en **Sataf** con entradas é con exidas é con aguas é con pasturas, assí comol pertenece é assí como la heredé de mi madre doña Simena. Et véndolo á vos doña Maria domingo é que fuestes de don Domingo el Abbad de Coslada é á vuestros fijos Diego andres é doña Mayor: preçio plaçible Ochaenta é III moravedís; on so pagado é non remanece entre nos sinon paz. Ego Roy sanchez —34→ sobredicho vendedor so fiador é redrador á todo homne que esto sobredicho que yo vendo demandare, que yo redre é faga sano, yo ó qui lo mio heredare á vos doña Maria domingo é á vuestros hijos Diego andres é Doña Mayor, ó á qui de vos lo oviere, sin todo entredicho.

Testes sunt, qui viderunt et audierunt, Pedro royz fi de don Pelayo, don Pasqual fi de don Cebrian de Lobingos, don Rodrigo fi del caqueno, ferrand martinez fi de iohanes caro, don Sabastian de la portiella, S.<sup>o</sup> diaz, Garcia gonçalvez fi de D.<sup>o</sup> johannes de don Oria.

Facta carta in mense Septenbris, era M.<sup>a</sup> CC.<sup>a</sup> LXXX.<sup>a</sup> VII.<sup>a</sup>, Regnante rege ferrando en Castiella é en Tolledo, é en Leon, é en Galliçia é en Sevilla é en Córdoba é en Murcia é en Jahen, Señor en la honor de Madrit Gomez royz giron, Alguaçil Garcia sabastian, Sayon Bartollomé onçenero. Juan perez testis, qui me notavit.